

ერთი მხრივ,

შპს "საქართველოს აეროპორტების გაერთიანება" (იურიდიული მისამართი: საქართველო, ქ. თბილისის ძველი თბილისის რაიონში ჭანტურას ქ. №12; ს.კ. №404 389 693) წარმოდგენილი მისი დირექტორის მოვალეობის შემსრულებლის პაატა ჩიქოვანის სახით (შემდგომში "შემსყიდველი")

და მეორე მხრივ,

სს "იბერია ბიზნეს ჯგუფი" (მისამართი: საქართველო, ქ. მცხეთა, დავით აღმაშენებლის ქ. ; ს.კ. 204975376) წარმოდგენილი მისი დირექტორის ტარიელ ხეჩიკაშვილის სახით (შემდგომში – „მიმწოდებელი“)

საქართველოს კანონის "სახელმწიფო შესყიდვების შესახებ", 10<sup>1</sup> მუხლის მე-3 პუნქტის „ზ“ ქვეპუნქტის თანახმად, ვდებთ ხელშეკრულებას შემდეგზე:

#### მუხლი 1. ხელშეკრულების საგანი

1.1 ხელშეკრულების საგანს წარმოადგენს, შპს "საქართველოს აეროპორტების გაერთიანების" საჭიროებისათვის 2 ერთეული ავტოსატრანსპორტო საშუალებისათვის ფასიანი სახელმწიფო საწარმო ნიშნების (AIR-010 და AIR-070) (CPV-71600000) გაფორმება შემსყიდველის სახელზე.

#### მუხლი 2. ხელშეკრულების ფასი

2.1. ხელშეკრულების საერთო ღირებულება შეადგენს 600 (ექვსასი) ლარს.

2.2. ერთი ერთეულის გაფორმების ღირებულებაა 300 (სამასი) ლარი.

2.3. ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი, რომლის გადახდა ეკისრება „მიმწოდებელს“.

#### მუხლი 3. ხელშეკრულების განხორციელების ვადები

3.1. მომსახურება გაწეული უნდა იქნეს ხელშეკრულების გაფორმებიდან 2 (ორი) სამუშაო დღის ვადაში.

#### მუხლი 4. შესყიდვის ობიექტის მიღება-ჩაბარების წესი

4.1. მომსახურების მიღება საქონლის მიწოდებისთანავე ფორმდება „მიღება-ჩაბარების“ აქტით, რის საფუძველზეც „მიმწოდებელი“ „შემსყიდველს“ წარუდგენს საგადასახადო ანგარიშ-ფაქტურას საგადასახადო კოდექსით დადგენილი წესითა და ვადებში.

#### მუხლი 5. ანგარიშსწორების პირობები

5.1. „მიმწოდებელთან“ ანგარიშსწორება ხორციელდება ნაღდი ან უნაღდო ანგარიშსწორებით ეროვნულ ვალუტაში.

5.2. ანგარიშსწორების საფუძველია მხარეების უფლებამოსილი პირების მიერ გაფორმებული „მიღება-ჩაბარების“ აქტი და საგადასახადო ანგარიშ-ფაქტურა.

5.3. „მიმწოდებელთან“ ანგარიშსწორება ხორციელდება მე-5 მუხლის 5.2. პუნქტში განსაზღვრული პირობის დასრულების შემდეგ 30 (ოცდაათი) სამუშაო დღის ვადაში.

5.4. საგადასახადო ანგარიშ-ფაქტურის წარმოდგენის გარეშე არ მოხდება თანხის გადახდა.

#### მუხლი 6. მხარეთა ვალდებულებები

6.1. „მიმწოდებელი“ ვალდებულია:

6.1.1. გაუწიოს „შემსყიდველს“ მომსახურება ხარისხიანი;



- 6.1.2. კეთილსინდისიერად შეასრულოს ნაკისრი ვალდებულება;
- 6.1.3. დროულად განიხილოს "შემსყიდველის" მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 6.1.4. დაიცვას ხელშეკრულებით გათვალისწინებული ყველა პირობა.
- 6.2. „შემსყიდველი“ ვალდებულია:
  - 6.2.1. უზრუნველყოს „მიმწოდებლისათვის“ მიწოდებული საქონლის ანაზღაურება წინამდებარე ხელშეკრულების მე-5 მუხლის 5.2 პუნქტით გათვალისწინებული დოკუმენტების წარმოდგენიდან 30 (ოცდაათი) სამუშაო დღის განმავლობაში.
  - 6.2.2. დროულად განიხილოს "მიმწოდებლის" მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
  - 6.2.3. დაიცვას ხელშეკრულებით გათვალისწინებული ყველა პირობა.

## მუხლი 7. მხარეთა უფლებები

- 7.1. "მიმწოდებელს" უფლება აქვს:
  - 7.1.1. ხელშეკრულების ფარგლებში მოითხოვოს მიწოდებული საქონლის ღირებულების დროული და სრული ანაზღაურება.
- 7.2. „შემსყიდველს“ უფლება აქვს:
  - 7.2.1 აწარმოოს ხელშეკრულების პირობების შესრულების მონიტორინგი.
  - 7.2.2 არ მიიღოს უხარისხო საქონელი.

## მუხლი 8. ხელშეკრულების პირობების და ფასების გადასინჯვა

- 8.1. სახელმწიფო შესყიდვის შესახებ ხელშეკრულებაში ნებისმიერი ცვლილების განხორციელების შემთხვევაში, აღნიშნული ცვლილება უნდა გაფორმდეს წერილობითი ფორმით.
- 8.2. სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 8.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

## მუხლი 9. ფორს-მაჟორი

- 9.1. მხარეები თავისუფლდებიან ვალდებულების დარღვევით გამოწვეული პასუხისმგებლობისაგან, თუ ასეთი დარღვევა გამოწვეულია ისეთი დაუძლეველი ძალის ზემოქმედებით (ფორსმაჟორული გარემოება), რომლის წინაწარ გათვალისწინება ანდა გონივრული მეთოდებით გადალახვა შეუძლებელია. ასეთი გარემოებებია (და არამხოლოდ) მიწისძვრა, ხანძარი, ქარიშხალი, დიდთოვლობა, წყალდიდობა, ეპიდემია, სამხედრო მოქმედებები, მესამე პირების გაფიცვები, სახელმწიფოს ცენტრალური ან ადგილობრივი ორგანოების გადაწყვეტილება ან გადაწყვეტილების არარსებობა, კანონმდებლობაში შესული ცვლილებები და მისთანანი.
- 9.2. ფორსმაჟორული გარემოების არსებობა დადასტურებული უნდა იყოს კომპეტენტური სახელმწიფო ორგანოსა თუ დაწესებულების მიერ ოფიციალურად.
- 9.3. მხარე ვალდებულია, პირველივე შესაძლებლობისთანავე შეატყობინოს მეორე მხარეს ფორსმაჟორული გარემოების დადგომის შესახებ. წინააღმდეგ შემთხვევაში, მას უფლება ერთმევა, ვალდებულების შეუსრულებლობა გაამართლოს ფორსმაჟორზე მითითებით.
- 9.4. თუ ფორსმაჟორული გარემოება გრძელდება იმდენ ხანს, მაგრამ უწყვეტად არანაკლებ 30 კალენდარული დღისა, რომ მისი მიზეზით ვერ შესრულებადი ვალდებულების შეუსრულებლობა მხარის მიერ, მეორე მხარისათვის ინტერესს უკარგავს ამ ხელშეკრულების კვლავ არსებობას, ამ მეორე მხარეს შეუძლია ცალმხრივად შეწყვიტოს ეს ხელშეკრულება.

საქართველოს  
საგარეო  
აფარების  
სამსახური  
0438  
საგარეო  
აფარების  
სამსახური  
04975  
BUSINESS

9.5. მხარეებს ასევე შეუძლიათ, ფორსმაჟორის დადგომის შემთხვევაში, ამ მუხლით გათვალისწინებული პირობების დადგომის გარეშეც ურთიერთშეთანხმებით შეწყვიტონ, შეაჩერონ ან შეცვალონ ეს ხელშეკრულება.

#### **მუხლი 10. ხელშეკრულების შესრულების შეფერხება**

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, დაუყოვნებლივ უნდა გაუგზავნონ ერთმანეთს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოძვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

#### **მუხლი 11. ხელშეკრულების პირობების შეუსრულებლობა**

11.1. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობისათვის ან არაჯეროვნად შესრულების შემთხვევაში მიმწოდებელს ეკისრება პირგასამტეხლო შეუსრულებელი ვალდებულების ღირებულების 0,1%-ის ოდენობით ყოველი ვადაგადაცილებული დღისათვის.

11.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

#### **მუხლი 12. ხელშეკრულების შეწყვეტა**

12.1. ხელშეკრულება შეიძლება შეწყვეტილ იქნეს:

12.1.1. ურთიერთვალდებულებების შესრულებით;

12.1.2. მხარეთა შეთანხმებით;

12.1.3 საქართველოს მოქმედი კანონმდებლობით გათვალისწინებულ სხვა შემთხვევებში.

#### **მუხლი 13. ინსპექტირების პირობები**

13.1. ხელშეკრულების შესრულების კონტროლს განახორციელებს კოორდინატორი საქართველოს აეროპორტების გაერთიანების ლოჯისტიკის კოორდინატორი ვალერი შერმაზანაშვილი.

13.2. კოორდინატორის ფუნქციებია:

13.2.1. მხარეების მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება.

13.2.2. სახელმწიფო შესყიდვების შესახებ ხელშეკრულების პირობების შესაბამისად „მიმწოდებელთან“ „მიღება-ჩაბარების“ აქტის გაფორმება.

#### **მუხლი 14. მხარეთა პასუხისმგებლობა**

14.1. თითოეული მხარე ვალდებულია აუნაზღაუროს მეორე მხარეს წინამდებარე ხელშეკრულებით გათვალისწინებული ვალდებულებების შეუსრულებლობით ან არაჯეროვანი შესრულებით გამოწვეული ზიანი.

#### **მუხლი 15. გამოყენებული სამართალი**

15.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

#### **მუხლი 16. დავა**

969  
\* 99  
ბიზნ  
376  
GROUP

16.1. ხელშეკრულებიდან გამომდინარე სადაო საკითხები წყდება მხარეთა ურთიერთშეთანხმების გზით. შეთანხმების მიუღწევლობის შემთხვევაში დავას განიხილავს სასამართლო საქართველოს კანონმდებლობის შესაბამისად.

**მუხლი 17. დასკვნითი დებულებები**

17.1. ეს ხელშეკრულება ძალაში შედის მხარეთა მიერ ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული პირობებისა და ვალდებულებების სრულად/ჯეროვნად შესრულებამდე და არაუგვიანეს 2012 წლის 31 დეკემბრისა.

17.2. წინამდებარე ხელშეკრულება შედგენილია 4 (ოთხი) გვერდზე, 2 (ორი) თანაბარი იურიდიული ძალის მქონე ეგზემპლარად თითოეული მხარისთვის.

**18. მხარეთა ხელმოწერები და რეკვიზიტები**

<p>„შემსყიდველი“ შპს „საქართველოს აეროპორტების გაერთიანება“ მისამართი: საქართველო, ქ. თბილისის ძველი თბილისის რაიონში ჭანტურიას ქ №12 ს.კ № 404 389 693 ტელ.: +995 32 48 73 00 საბანკო რეკვიზიტები: სს „თი ბი სი ბანკი“, ბანკის კოდი: TBCBGE22 ა/ა: GE37TB7777736070100001 / GEL</p>  <p>პაატა ჩიქოვანი დირექტორის მ.შ.</p>	<p>„მიმწოდებელი“ სს „იბერია ბიზნეს ჯგუფი“ მისამართი: ქ. მცხეთა, დავით აღმაშენებლის ქუჩა ს.კ. № 204975376 საბანკო რეკვიზიტები: სს „საქართველოს ბანკი“ ბანკის კოდი BAGAGE22 ა/ა: GE75BG 000 000 027 237 7400</p>  <p>ტარიელ ხეჩიკაშვილი დირექტორი</p>
---	---

